

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N 4

1. Ընդհանուր տեղեկատվություն

Միջոցառման անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	Լոտ 16. Կոտայքի մարզ – 2
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն
Միջոցառման իրականացման ժամանակահատված	01.01.2024-31.12.2024թթ.
Հաշվետու ժամանակահատված	01.10.2024-31.12.2024թթ.
Ներկայացման օր	16.12.2024թ.
Հաշվետվության պատասխանատու (անուն, ազգանուն, պաշտոն)	Հասմիկ Մանուկյան Թիմ լիդեր

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալ- հոգեբանական և խորհրդատվական աջակցության տրամադրում,
- կենցաղային սպասարկում և խնամք,
- բժշկական օգնության կազմակերպում:

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

- **Սոցիալ- հոգեբանական և խորհրդատվական աջակցության** տրամադրման շրջանակներում սոցիալական աշխատողի կողմից իրականացված տնայցերի միջոցով աջակցություն է տրամադրվել Հրազդան համայնքում 31, իսկ Չարենցավան համայնքում՝ 16 շահառուի: Սոցիալական աշխատողի կողմից իրականացվել է կարիքի գնահատում և վերագնահատում, որի արդյունքում կատարվել է 16 դեպքի վարում՝ ընտանիքների անապահովության գնահատման համակարգում վերափաստագրման կազմակերպում 4 անձի համար, 2 անձի համար անվճար բժշկական հետազոտությունների կազմակերպում, 2 անձի համար բնակության վայրում փաստացի գրանցման կազմակերպում, անվճար դեղորայքի ստացման կազմակերպում 3 անձի համար, 2 անձի համար եռամսյակային դրամական աջակցության ստացման կազմակերպում, Չարենցավանի մարզպետարանից դրամական աջակցության ստացման կազմակերպում 2 անձի համար, նոր անձնագրի ստացման կազմակերպում 1 անձի համար:

Կարիքների վերհանման արդյունքում հոգեբանական աջակցության կարիք ունեցող 1 շահառուի տնային պայմաններում հոգեբանի կողմից տրամադրվել է մասնագիտական հոգեբանական աջակցություն, որը միտված է եղել անձի ինքնասպասարկման կարողությունների զարգացմանը, հոգեբանական կայուն վիճակի պահպանմանը, հիշողության ամրապնդմանը, սթրեսակայունության ձևավորմանը, պահպանմանը, անձի հուզական և մտավոր ունակությունների ու հմտությունների զարգացման ու ճգնաժամային իրավիճակներին համապատասխան վարքի դրսևորման հնարավորությունների ստեղծմանը:

Խորհրդատվական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների վերաբերյալ, անհրաժեշտության դեպքում իրականացվել է շահերի պաշտպանություն:

Ազատ ժամանցի կազմակերպման շրջանակներում Հրազդանի կենտրոնում կազմակերպվել է 4 միջոցառում՝ «Տարեցների միջազգային օր», «Ուշ լինի, նուշ լինի» ներկայացման դիտում, այց Ազգային ժողով, «Նոր տարի», որոնց մասնակցել է 5 շահառու: Չարենցավանի տնային սպասարկման 1 տարեց մասնակցել է Չարենցավանի կենտրոնում կազմակերպված Տարեցների միջազգային օրվան նվիրված միջոցառման և ամանորյա միջոցառման:

Հրազդանի տնային սպասարկման տարեցներից 24-ը, իսկ Չարենցավանից՝ 14-ը ստացել են սննդային փաթեթ: Սննդային աջակցությունը տրամադրվել է տնային պայմաններում:

«Հայի բռունցք» ՀԿ-ի և Հրազդանի թիվ 1 ավագ դպրոցի հետ համագործակցության արդյունքում Հրազդանի տնային սպասարկման 28 տարեց ստացել է սննդային և հիգիենիկ փաթեթ:

- **Կենցաղային սպասարկման և խնամքի ծառայության տրամադրման** շրջանակներում հաշվետու ժամանակահատվածում աջակցություն է տրամադրվել Հրազդան համայնքում 31, իսկ Չարենցավան համայնքում 16 շահառուի: Յուրաքանչյուրին իր գնահատված կարիքից և

ինքնասպասարկման կարողությունից ելնելով աջակցություն է տրամադրվել բնակարանի մաքրության և անձնական հիգիենայի պահպանման հարցում, գնումների կոմունալ վարձավճարների իրականացման, սննդի կազմակերպման, բարեգործական ճաշարանից կերակրի տուն բերման, անհրաժեշտության դեպքում՝ կերակրման հարցում: Իրականացվել է ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխանաբար այլ վայր:

- **Բժշկական օգնության տրամադրման** շրջանակներում տունայց է իրականացվել Հրազդան համայնքում 31, իսկ Չարենցավան համայնքում 16 շահառուի՝ ուղղված շահառուների առողջական վիճակի վերահսկմանը, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող Հրազդան համայնքում 11, իսկ Չարենցավան համայնքում 14 շահառուի համար պետական պատվերի շրջանակներում տարբեր պոլիկլինիկաներից և բժշկական կենտրոններից ձեռք է բերվել անվճար դեղորայք: 4 շահառու ուղեկցվել է բժշկական տարբեր հաստատություններ՝ հետազոտման, ախտորոշման, բուժման նպատակով, 1 շահառուի համար կատարվել է անվճար բուժհետազոտության կազմակերպում՝ ընտանիքի անապահովության միավորի մասին տեղեկանքի առկայությամբ, 9 շահառուի համար կատարվել է գլյուկոմետրիա, 1 շահառուի համար տեղամասային պոլիկլինիկայից վերցրվել է վերջիններիս հսկող բժշկի կողմից նշանակված դեղորայքային բուժման դեղատոմսը և հանձնվել շահառուներին:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում համացանցում տեղադրվել են հետևյալ նյութերը.

(տե՛ս հետևյալ հղմամբ՝ <https://shorturl.at/vvkBo> ,

<https://shorturl.at/ypyeR>,

<https://shorturl.at/ntl7A>,

<https://goo.su/OGQRM>,

<https://shorturl.at/XW1JD>):

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

Հաշվետու ժամանակահատվածում ծրագրի գործողությունների իրականացմանը խոչընդոտող խնդիրներ չեն առաջացել:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

Ծրագրի նպատակին հասնելու համար աշխատակազմի հմտությունները զարգացնելու, աշխատանքները արդյունավետ կազմակերպելու նպատակով ցերեկային կենտրոնի պատասխանատուի կողմից կազմակերպվել են թիմային քննարկումներ և դեպքերի ուսումնասիրություններ:

Հրազդանի Յերեկային կենտրոնի պատասխանատուն մասնակցել է ՄՍԾՏԿ-ի գործող 2 համակարգող խորհրդի նիստերին եւ հոգաբարձուների 2 նիստերին:

Չարենցավանի կենտրոնի պատասխանատուն մասնակցել է ՄՍԾՏԿ-ի գործող 2 համակարգող խորհրդի նիստերին, ձեռք է բերվել համաձայնություն առաջադրել կենտրոնի կարիքավոր շահառուների ցանկ, որոնք նույնպես կստանան համապատասխան աջակցություն Սոցիալական Աշխատողների Ասոցացիայի կողմից՝ ՄԱԿ-ի ֆինանսավորմամբ:

Չարենցավանի և Հրազդանի սոցիալական աշխատողները մասնակցել են «Հայկական Կարիտաս»-ի կողմից կազմակերպված «Տարեցների հետ տարվող սոցիալական խնամքը» թեմայով առցանց դասընթացին:

ԵՌԱՄՍՅԱԿԱՅԻՆ ՀԱՇՎԵՏՎՈՒԹՅՈՒՆ

«Առաքելություն Հայաստան» բարեգործական հասարակական կազմակերպության տնային
պայմաններում խնամքի մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն ստացած անձանց թիվը
1.	հաշվետու ժամանակահատվածի՝ սկզբում/վերջում շահառուների թվաքանակը	46/47
1.1	այդ թվում՝ կին	41
1.2	այդ թվում՝ հաշմանդամություն ունեցող անձինք՝ 18-65 տարեկան	8
1.2.1	այդ թվում՝ կին	6
1.2.2	18-40 տարեկան	0
1.2.3	40-65 տարեկան	6
1.3	65 տարեկանից բարձր	39
2.	Ըստ գնահատված կարիքի՝ դասակարգված խմբերում ընդգրկված շահառուների թվաքանակը (Ա/Բ). նշել յուրաքանչյուր խմբում ընդգրկվածների թիվը	Ա – 5 Բ – 42
3.	կենցաղային սպասարկում.	47
4.	բժշկական օգնություն և սպասարկում.	47
5.	սոցիալ-հոգեբանական օգնություն	47
5.1	այդ թվում՝ մշակութային բնույթի ծառայությունների և միջոցառումների կազմակերպում	5
6.	խորհրդատվական օգնություն	15
7.	այլ ծառայություն (նշել) հոգեբանական խորհրդատվություն	1

Կազմակերպության ղեկավար Ե. Մխիթարյան «16» 12.2024թ
(ստորագրություն, անուն, ազգանուն)